






Bl. 6 12000 ✓





Halle



IV, 15.

IV, 15.





# Abcontrafactur

Vnd Bildnis aller Grosherkogen/Chur  
vnd Fürsten/ welche vom Jare nach G. Hristi Geburt  
842. bis auff das itzige 1563. Jar / das Land  
Sachssen/löblich vnd Christlich regieret haben/  
samt kurzer erklerunge ires Lebens /  
aus glaubwürdigen Historien zu-  
samen getragen/vnd in  
deutsche Reime  
bracht /

Durch

M. Johannem Agricolam  
Spremburgensem.

15



63.

Daniel. 2.

Gelobet sey der Name Gottes von ewigkeit zu  
ewigkeit / Denn sein ist beide Weisheit vnd stercke/  
Er setzet Könige abe/vnd setzet Könige ein etc.



*[Faint, mirrored text bleed-through from the reverse side of the page]*

*[Faint, mirrored text bleed-through from the reverse side of the page]*

**BIBLIOTHECA  
PONICKAVIANA**

**UNIVERSITÄTS-BIBLIOTHEK  
HALLE  
(SAALE)**

*[Faint, mirrored text bleed-through from the reverse side of the page]*







Dem Hochwirdi-  
gen inn Gott / Durchleuchten /  
hochgebornen Fürsten vnd Herrn / Herrn  
Alexandro Bischouen zu Merseburg / etc. Herzo-  
gen zu Sachssen / Landgrauen in Düringen /  
Marggrauen zu Meissen / vnd Burggra-  
uen zu Magdeburg etc. meinem  
gnedigen Herrn.



Gottes gnade vnd friede / sampt aller seligen  
wolfart / durch Christum Ihesum / waren Gott  
vnsern einigen Mittlern / Heiland vnd Seligma-  
cher.



S haben zu jeder zeit  
Hohe vnd Weise Leute /  
hochnötig vnd nüz ge-  
acht / Historien vnd Ge-  
schicht der Alten / mit  
vleis zu lesen vnd zuer-  
kennen. Denn aus densel-  
ben / wie im Bilde abge-  
malet / zusehen ist / wie der  
ewige gütige Gott sein: Christliche Kirche von an-  
fang her im menschlichen geschlecht erhalten / vn-







ter so grausamen/ vnd wüsten Völkern vnd Geschlechten / vnd was für Regenten / dieselbe zubeschützen vnd fördern / er aus grundloser güte vnd barmherzigkeit erweckt vnd vorliehen hat. Ob wol vnter denen auch viel gewesen sind/ welche grosse Tyrannen geübet/ vnd die Christliche Kirche sehr geplaget vnd verfolget haben: So hat doch der gnedige Gott solche verfolgunge zu jeder zeit also gemesiget/ das seine Christliche Kirche darin gemehret / vnd sehr viel Erben des ewigen Lebens worden sein/ Hat sie auch in iren grösten nöten also beschützt/das seine gegenwertigkeit augenscheinlich in seinem Volck gesehen vnd vernomen worden ist.

Darnach ist auch in Historien zusehen/wie wunderlich Gott mit den hohen Potentaten vnd Monarchen vmbgangen / wie seltsame verenderung er vnter jnen angericht/ vornemlich/wenn gerechtigkeit vnd gericht bey jnen vntergangen / vnd sie mit groben Sünden sich verunreiniget. Wie der Prophet Daniel fein klar saget: Er setzet Könige ab/vnd setzet sie wider ein/ Er gibet Weisheit den Weisen/ Von wegen der vngerechtigkeit werden die Reich verendert. Vnd wird in alten Geschichten gemeiniglich vormercket/ das grosse verenderunge in Königreichen vnd Fürstenthumen geschehen nach vier oder fünffhundert Jahren: Als







vierhundert Jar sind/ wie die Kinder Israel im e-  
 lend vmbgereiset in Egypten / von Abraham an-  
 zufahen bis auff Mosen/da sie widerumb aus der  
 Dinstbarkeit erlediget. Vierhundert jar von Mo-  
 se/ bis auff den König David. Fünffhundert jar  
 von König David/ bis die Kinder Israel gefeng-  
 lich in Babylon vom König Nabuchodonosor  
 gefüret. Nach der Heimfart aus Babylon / vnd  
 erbawunge des andern Tempels/ bis auff die end-  
 liche zerstörung Jerusaleim / sampt der gansen  
 Policeny Mose / geschehen von Tito Vespasiano  
 dem Römischen Keiser / sind auch funffhundert  
 jar.

Also sind auch in andern Reich vnd Fürsten  
 thümer/ in solcher zeit grosse verenderung gesche-  
 hen / Die Auctoritet des Consulats zu Rom hat  
 geweret funffhundert Jar / bis auff C. Julium  
 den ersten Römischen Keiser. Von C. Julio auff  
 Attilam der Gotten König/welcher die Römische  
 Monarchiam vnd hoheit zerstöret / sind auch gar  
 nahe funffhundert Jar. Von Attila auff Keiser  
 Dittonem den dritten / der den Electorat der sie-  
 ben Churfürsten gestiftet vñ geordenet/ sind auch  
 gewesen funffhundert Jar / Vmb welche mass  
 auch das Hungerisch vnd Polnisch Reich gestan-  
 den/welche/ wie schwach sie sein/ ist am tage. Vñ  
 hat also die hoheit der sieben Churfürsten/bis auff








dieses M. D. LXXij. Jar / geweret vnd gestanden  
fünffhundert/zwen vnd sechzig Jar. Der ewige  
Gott helffe weiter / das solche Churfürstliche ho-  
heit erreiche seiner Kirchen zu gut / die bald komen-  
de ewige erlösunge vñ freude des Jüngsten tages.

D Zewel denn solches alles in Historien lieb-  
lich vnd fein zusehen ist / Habe ich auch derhalben  
vornemlich / das man der alten tugent vnd redlig-  
keit mit verwundern ansehen / vnd die Zusstapffen  
nach zu folgen sich bevelisse / auch wie auffrichti-  
ge / weise vnd ansichtige Personen vnser Deud-  
schen Fürsten gewesen / für den Christlichen Leser  
aller Fürsten / Chur vnd Grosfürsten zu Sachs-  
sen Imagines / welche vor sieben hundert vnd xxi.  
Jaren / das Land Sachsen Fürstlich vnd löblich  
regieret / vnd beschützet / zusammen colligieret / vnd so  
viel möglich ire ware Abcontrafactur / sampt für-  
zer erklerunge / in dieses Büchlein verfasstet.

W Eil aber hochwürdiger in Gott / Durch-  
leuchtiger / hochgeborner Fürst / Gnediger Herr /  
ich hierin E. F. G. alten hochlöblichen Stamm  
vnd Geschlecht / daraus auch hohe Fürsten vnd  
Keiser Deudches Landes komen / vornemen kan /  
habe ich solche meine geringe Arbeit E. F. G. de-  
dicirn vnd zuschreiben sollen / Vornemlich aber /  
weil mir auch sonst E. F. G. gemüt / alte Histori-  
en vnd Geschicht / anedia anzunemen vnd zulesen /







unterthenig bewust ist/ Das ich dadurch auch mei-  
nem lieben Vaterlande/das Im der ewige Gott  
einen Christlichen Bischoff vnd Regenten / aus  
dem alten hochlöblichen Stamm der Grosfür-  
sten zu Sachssen/verliehen hat/mit danckbarlich-  
em herzen gratuliere.

Wersende derhalben E. F. G. solchen mei-  
nen hierin gehabten vleis / mit untertheniger bitt /  
E. F. G. wolten solche geringe Arbeit in allen  
Gnaden erkennen vnd annemen / Das wil ich  
vmb E. F. G. in aller unterthenigkeit gehorsam  
verdienen. Aus Wittenberg am tage Michae-  
lis. Anno Christi M. D. Lxiiij.

E. F. G.

untertheniger  
Diener

Gabriel Schnellholz von  
Merseburg / Buchdrucker  
zu Wittenberg.







# Leutholff Gros- herzog zu Sachssen.



Als man thet zeln achthundert Jar /  
Vnd zwen vnd vierzig / nim recht war /  
Nach der Geburt des Herren Christi /  
Der vnser aller Mittler ist.  
Ward ich Leutholff Brunonis Son /  
Herzog zu Engrn vnd Rugen schon /  
Grossherzog in gantz Sachssenland /  
Von Ludowig dem König gnand.  
Zun gzeiten da die wütend Schar /  
Der Nortman starck in Gallien war /  
Mit wütn vnd tobn gros mord begieng.  
Zu Rom viel Heilgthüb ich empfing  
Das Kloster stiftt ich zu Gandersheim /  
Vnd bauwt die stad durch Gott allein.  
Mein Ehelich gmahl Frasn Oda war /  
Vier Sön / vier Töchter sie mir gbar  
Bruno / Eckbrecht / Otto / Tanquart /  
Hundert vnd acht Jar alt sie ward.











# Hertzog Bruno.

Hertzog Bruno recht ist mein nam  
 Das Sachssen Land ich oberkam/  
 Nach meines Vaters Leutholffs tod.  
 Im Krieg kam ich in schwere not/  
 Der ich gefüret hab gar viel/  
 Mit den Vngleubigen on ziel.  
 Ich basot vñ erst Brunschwig die Stad/  
 Die iren Namen von mir hat.  
 Nach Christi geburt achthundert jar/  
 Vnd ein vndsechtzig/gleub verwar.  
 Den Heiden was ich gantz gefehr/  
 Bezwang mit macht der Dehnen heer.  
 Mit mir verdarb in Wassers flut/  
 Zwen Bischoff vñ zwelff Grauen gut.  
 Gar schier das gantz Heer in der gemein/  
 Gott wol vns allen gnedig sein.











# Hertzog Otto.

Nach dem mein bruder Bruno schwer /  
 In die flucht gschlagt von Denischen  
 Erbarmlich gar ersoffen war / (Heer  
 Da man thet schreiben neunhundert jar  
 Ward ich erwelt in Sachsen Land /  
 Ein Hertzog an meins Brudern städ.  
 Zum Keiser wolt man machen mich /  
 Von alters wegn mich wegert ich.  
 Des Reichs beschirmer man mich nand /  
 Die Wenden ich mit meiner hand  
 Bezwang / vñ bracht ins Reichs gewalt /  
 Fürn halben Keiser man mich zalt.  
 Das Römisch Reich ward mir vertrawt  
 Die Aschenburg von erst ich bauwt.  
 Conrad der erst durch mich erwarb /  
 Das Reich / da Keiser Ludwig starb.







B iij





# Henricus Au- ceps.



Nach Herzog Otten meins Vatern tod/  
 Den man den Grossen genennet hat/  
 Ward ich an seine stat zuhand/  
 Erwelter Fürst in Sachssen Land.  
 Zum Römischen Keiser ward ich erwelt/  
 Nach Christ geburt/da man hat gzelet  
 Neunhundert ein vnd zweintzig Jar.  
 In Vogelfang mein lust stets war/  
 Daher man mich stets nennen thet  
 Henrich Auceps/ die weil ich lebt/  
 Ganz Sachssen/Düring/Hessen Land/  
 Am Rheinstrom stund in meiner hand/  
 Wend/dehn/sorb/behm vnd Marcomā/  
 Dalmatz macht ich mir vnterthan.  
 Den Ungern lag ich ob mit macht/  
 Den Keiser Conradn ich verjagt.  
 Das Reich nach im ich erst besass/ (was.  
 Welchs vor kein Sachssen widrfaen











# Hermā Billings

## Von Stubeckelforn.




Nach Christi geburt neunhundert Jar  
Vnd vier vnd funffzig on gefahr  
Da Herzog Ott / Heinrichi Son /  
Zum Keiser ward erwelet schon /  
Vnd Grosse Krieg im Welschen Land /  
Francreich / Bohn / Hungern furt zu-  
Ward ich ein Herzog aufferwelt / (hand /  
Von Keiser Ottn dem thewren Held.  
Ein Edlman von Stubeckelforn /  
Was ich vom schlechten Stam geboren.  
Kunst / tugent / redligkeit mich bracht  
Das Otto mich ein Fürsten macht  
Zu Sachssen / Lüneburg verwar.  
Das Schloss vnd Kloster bauet ich dar  
Was sieghafft / Gstreng in aller that /  
Otto der gros mich drum begnad.











# Hertzog Benno.

In Kriegen hielt ich mich gar fein/  
Bey dem leben des Vatern mein.  
Braucht mich beim Keiser Otten sehr/  
Dauon erlangt ich lob vnd ehr.  
Da aber thet jzt sterben hin  
Mein Vater Herman/recht vernim/  
Zu Sachssen Groschertzog ich wurd/  
Als man thet zeln nach Christi geburt  
Neunhundert drey vnd achtzig Jar/  
Die Wenden vmb mich alle dar/  
Hielt ich in fried vnd guter sühn/  
Das keiner wider mich dorfft thun.  
Den Vnterthanen/Arm vnd Reich/  
Hielt ich gericht/recht allzeit gleich.  
Otto der ander mich besiet/  
Wie der erst meinem Vater thet.





G ii





# Hertzog Bern- hard.



In mein gezeiten Otto der dritt/  
 Der weise Fürst in Gott verschied.  
 Von einem Weib im ward vergeben/  
 Das er zu Rom verlies sein Leben.  
 Die wahl der siebn Churfürsten drat/  
 Behm/Sachs/Brand/Pfaltz er gstiff=  
 Da man thet schreiben offenbar/ (tet hat  
 Nach Christ geburt tausent/ein jar.  
 Grosfürst was ich dann zu Sachssen/  
 Der geiz was gantz in mich gewachssē.  
 Die Wenden schatz ich da vorwar/  
 Das sie den Christen glauben gar  
 Verliessen vnd verferten sich.  
 Wider den Keiser setzt ich mich.  
 Sobalt vnd ich genad begert/  
 Henrich der Heilig mich gewert.








S iii





# Hertzog Dr= thulff.


Michs Vatern tod Bernhard genand/  
Ward ich Grosfürst in Sachssen Läd.  
In grossen nöten ich stets war/  
Regirende gar wenig Jar.  
Die Sünd must ich büssen gar sat/  
Die mein Vater gewircket hat.  
Dem er dem Reich thet gros gewalt/  
Desselben ich hernach entgalt.  
Die Wenden namen oberhand/  
Verderbten Nortalburger Land.  
Vnd alles das da Christen was/  
Ermordten sie durch neid vnd hass.  
Für augen hat ich stets den todt/  
Den mir drevote die Wendische roth.  
Kein Keiser mir zu hülffe kam/  
Deshalb ich grossen schaden nam.











# Hertzog Magnus.

Der letzte Fürst von diesem Stam/  
Herkomen von ein Edelman/  
Von Subeckelforn in Sachsrland/  
Bin ich Grosfürst Magnus genand.  
Denn da ich war on leibes Erben/  
Thet omb das Land ein ander werben/  
Graff Lother/Grauen Gebharts schon  
Von Supplingberg vnd Arnspurg son.  
Ben meiner zeit die Christenheit/  
Durchs Wendisch land leid herkeleid.  
Gottschalt der Fürst enpfing den todt/  
Die Priesterschaft het grosse not.  
Rasburg/Hamburg vnd Aldenburg  
Bisshumb/Schlesswig vnd Mechlen=  
Die thetē sie in grund verheren/ (burg  
Das möcht ich leider nicht erwerben.










# Keyser Lothar- rius.



33 Sipplenburg ein Graff was ich/  
Henrich der vierd der würdiget mich  
Mit Chur vnd Reichs gerechtigkeit/  
Henrich den Funfften ich bestreit.  
Ben Welffesholtz sigt ich in an/  
Erwarb nach im des Reiches Kron.  
Da man nach Christi geburt zalt dar/  
Tausent/Hundert/Sibenzwenzig jar.  
Viel grosser that mit kleiner macht/  
Ich oft mit Gottes hülff vorbracht.  
Das Römische recht bracht ich ans licht/  
Welchs lange war gebrauchet nicht/  
In Schulen lies ichs lesen auch/  
Damit es kein wider in brauch.  
Darzu mir halff ein glerter Man/  
Irenarius recht war sein Nam.







D ii





# Hertzog Henrich der Belff.

Hertzog zu Baiern was ich geborn/  
Da Keiser Luder ward geforn.  
Gar Ritterlich stund ich im ben/  
Im Krieg vnd fried on alle schew/  
Da sich der Schwab Conrad eindrang  
Zum Keiserthum/macht ich im bang.  
Drumb mir des Keisers tochter drat  
Von im zur Ehe gegeben ward.  
Gab mir darzu das Sachsser Land/  
König Conrado solchs thet and.  
Schieket Margraff Albrecht an mich:  
Doch blieb ich Herr gewaltiglich.  
In beiden Land bey meinem Leben/  
Zu Quedelburg ward mir vergeben:  
Denn nach dem tod Keiser Lothar/  
Wolt ich dz Reich auff mich bringn gar.  
Conradus thet mich in die Acht/  
Nam mir Baiern mit grosser macht.





D. iij





# Hertzog Heinrich der Leo.



Da man thet schreiben Eilffhundert Jar  
 Vnd zwen vnd funffzig nim recht war/  
 Fridricus Barbarossa guent  
 Ward Keiser in gantz Occident.  
 Baiern bracht er mir wider zu/  
 Das ich möcht bleiben in guter rhu.  
 Von der Elbe bis an den Rhein/  
 Vnn Hartz bis an die See was mein.  
 Zum glauben ich die Wenden bracht/  
 Das Land Baiern bsas ich mit macht.  
 Doch lehnt ich mich auff gegen im/  
 Welchs mir thet bringen klein gewin  
 Der ehrn mich der Keiser entsetzt/  
 Brunschwig/Lünburg bleib mir zulezt.  
 Mein gschlecht besitzt noch heut die Land/  
 Reichhart der König aus England/  
 Zwen Leopart mir zum wapffen gab/  
 Der mich beraubt an ehr vnd hab.











# Hertzog Bern- hard von Anhalt.

Nach dem Henrich vortrieben war /  
Im eilffhundert / achtzigstem Jar  
Zu Würzburg recht / dasselb geschach  
Auff dem Keisserlichen Reichstag /  
Ward ich Bernhard Fürst Albrechts son  
Zu Anhalt / dar erwehlet schon.  
Der erste Keiser Friderich /  
Mit Chur vnd schwert begabet mich.  
Durch Ballenstet den Kranz er gab /  
Da Henrich ward gesezet ab:  
Zwen Schwert dz Marschalek äpt bedeu  
Die Wëdischn Heidē auszureuten. (ten  
Gar grosse krieg ich mit in fürt /  
Da mich dann hohe not berürt.  
Ben Witteberg siegt ich in an /  
Das Land zur Chur frey ich gewan.







6





# Hertzog Albrecht.



Albrecht bin ich ein Fürst geborn/  
 Von Anhalt nach mein Vatr erkorn.  
 Zum Erzmarschalek in Sachssen Land  
 Welchs ist gar weit vnd breit bekand.  
 Chur vnd Schwert wart mir vbergeben/  
 Da mein Vater endet sein leben.  
 In Kriegen hilt ich mich Ritterlich/  
 Mein feind vberwand ich manniglich.  
 Da der Keiser zog vber Meer/  
 Furt ich weislich der Christen Heer.  
 Der Sonnen stat ich da beraubt/  
 Vñ bracht mit mir S. Barbern haubt  
 Zu Gumnern hielt ich das in acht/  
 Vnd ward von dan in Preussen bracht.  
 Zu Wittnberg ich erst residirt/  
 Mein gmahl das Glosier da fundirt.







E ij





# Hertzog Adel- brecht.

Hertzog Rudolff von Osterreich/  
Zum Keiser ward erwelt zugleich/  
Da ich vbrkam im Sachssen Land/  
Die Chur vñ Schwert in meine hand  
Da man thet schreibn zwelff hundert jar  
Vnd drey vnd siebntzig/nim ebn war.  
Das gelobte Land die heilige stet/  
Der Christen feind einnemen thet.  
Keiser Rudolph die Pfaltz mir gab/  
Die Graffschafft Brehn mit aller hab.  
Zu seiner Tochter Frau Agneten/  
Das ich die Chur möcht bas vertreten.  
Dieweil er het des Reiches macht/  
Magdeburg mich von Acken jagt.  
An Ehn vnd trew sie sich entsetzt/  
Irn Herren sie in todt verlegt.








F iij





# Hertzog Lu- dolph.

Da ich vbrkam das Regiment/  
Nach meines lieben Vaters end.  
War in dem Römischen Reich sehr weit/  
Zwispalt vnd gros vneinigheit.  
Zwen Keiser wordn erwelt zugleich/  
Friedrich Hertzog in Ostreich/  
Vnd Ludowig/doch er siegt an  
Fridrichn in Baiern im Wiesen plan.  
Vor Borg ich einen streit gewan/  
Den von Magdburg gesigt ich an.  
Fing hundert vier vnd vierzig Man/  
Die andern blieben auff dem plan.  
Vmb Gattersleben was der hass/  
Carle der vierd berichtet das.  
Zu Prag da er das reich besass  
In gnaden er mein nie vergass.











# Hertzog Zu- dolph.



Nach Ritterschafft bracht jugent mich  
Zum König Philipp in Franckrich.  
Den schwerlich zu der selben fart/  
Von Engeland König Edward  
Befrieget/da manch Ritter gut  
Sein Leib dran wagt vnd Edles blut.  
In diesem streit ganz ungezelt/  
Sein Leben end manch künner Helt.  
König Philipp gab mir zu lohn/  
Ein blutigen dorn von Christi kron/  
In eines Königs Bild vermacht/  
Den ich kegn Wittenbergk da bracht.  
Mit andern Heiligthumb viel mehr/  
In Gotts vnd aller Heiligen ehr.  
Den Stiffte ich erst aldar Fundirt/  
Friedrich der dritt in hat complirt.







S





# Hertzog Wen- ceslaus.

G Hurfürst ward ich in Sachssen Land  
Nach meines Vatern tod zu hand.  
Erkmarschalek in dem Römischen Reich/  
Das Schwert für ich geströg vñ gleich  
Von vnterthan in meinem Landt  
Ward ich ein rechter Richter genant.  
Hielt recht gericht vnd auch gleichheit/  
De Armn vñ Reichē /bschutzt sie allzeit.  
Vor Weinem ich des Stifftes man  
Erschlug / vnd Weueling gewan.  
Albrecht mein Dhm zur selben sünd  
Von Rigling wart in tod verwund.  
Drumb Lüneburg mein eigen wart  
Mit all dem das darzu gehort/  
Dhn Zell das ich belegrt zuhand/  
Darvor wart mir der tod bekand.







F ii








# Hertzog Zu- dolphus.



Der siebend Fürst an diesem Stam  
Von Anhalt (Kuolph ist mein nam)  
Bin ich erwelet vnd genant  
Ein Churfürst in gantz Sachssen land.  
Das Schwert furt ich in grosser zier  
Dem Keiser bey mein Leben für/  
Von Magdeburg Bischoff Albrecht  
Mir Belzig Rabenstein belegt  
Den jagt ich daruon mit vnsug.  
Ein thurn zur Schweinitz mir erschlug  
Mein beide Sön zu einer fart.  
Vor Fridslar ich gefangen ward/  
Da ich in gleit von Franckfurt ritt.  
An mir hielt Mentz sein glauben nit.







F III





# Hertzog Al- brecht.

Der letzte Fürst in Sachsen Land  
Bin ich / Hertzog Albrecht genand /  
Von diesem geschlech / von diesem stam  
Der Fürst in von Anhalt lobesam.  
Nach meines Brudern selign end  
Kam auff mich das ganz Regiment.  
Die Chur vñ Schwert ward mir gegeben  
Solchs ich erhielt bey meinem leben.  
Fast schwere Krieg mein Bruder het /  
Die er Sieglich volführen thet.  
Doch hett das Land genommen ab /  
Das ich selb vierd lebt kleiner hab.  
Zur Loche bracht mich Feners not /  
Gehlings erschreckens in den todt.  
Vnd starb am Leben allzuhand /  
Uns Reich viel da der Sachssen Land.











# Hertzog Frie- drich der Erste.

GRAMMATICA



Nach Christ geburt ein thausent Jar/  
Vierhundert / zwenzig nim recht war  
Da Albrecht / schied on Erb zu Gott/  
Fürst von Anhalt / durch sterbens not/  
Von Keiser Ott her in vieler hand  
Gewesen war das Sachsser Land/  
Ward mir gegeben Chur vnd Schwert/  
Alsin rechten Erbn in Sachssen wert.  
Döringen / Meissen vnd Osterland/  
Landsberg / Francken / sein Herrn mich  
Regn Leipzig die Vniuersitet / (nand.  
Bracht ich / da sie vertrieben het  
Von Brag die Bemisch Ketzerey.  
Der wont ich stets mit streiten bey/  
Keiser Sigmund mein dienst betracht/  
Hertzog zu Sachssen er mich macht/  
Friedrich mein Vater der streng genand/  
Keiser Carln dē vierdn war wol bekand.

DIALECTICA











# Hertzog Friederich der Ander.



Mit macht behielt ich Chur vñ Schwert  
Auff allen seiten ich mich wehrt.  
Mit sieg die Behmen ich besireit/  
Die Mercker ich auch niederleit/  
Strafft die Viktumb mit ernst verwar /  
Meine feind Schlösser zerstört ich gar /  
Mein bruder Wilhelm macht mir bang /  
Furt wider mich gros Krieg gar lang.  
Den bracht ich wider zur freundschaft  
In sünlicher weis ganz tugenthafft /  
Magdбург besorgt mein sieghafft hand /  
Desgleichn mich forcht Lusaker land.  
Fraw Margaret mein aufferkorn /  
Aus Ostreich Erkherzogin gborn /  
Gbar mir vier Sön / jr zwen in Gott  
Verschieden jung / Hertzog Ernst hat  
Mit seinem Bruder / Albrecht genand /  
Bertheilt den Stamen vnd das Land.







S ij





# Von Gottes gna-

den/ Herzog Ernst/ Churfürst  
zu Sachsen.

Nach meines Vaters seligen Tod/  
Ward ich erwelt zur Chur in Gott.  
In Osterreich belehnet mich  
Der dritte Keiser Friderich.  
Da man zelt Tausent ganz verwar/  
Bierhundert fünff vnd sechzig Jar.  
Das Land mit vntrew was geplagt/  
Den Keussen von Plaswen ich veriagt.  
Das Herzogthumb Sagen thet ich/  
Vnd Biberstein bringen an mich.  
Belegert Halberstad vnd Hall/  
Zum stift Magdburg bracht ich sie all.  
Mein Land mit schön gebewen ich zirt/  
Dz Schlos zur Schweinitz ich formirt  
Vor mein absterben gar kürzlich/  
Maximilian halff krönen ich.  
Sixtus der vierd den kuss mir gab/  
Die Rose vñ Creutz zum heilgen Grab.











**S**on Gottes gna-  
den/ Herzog Friderich der Drit-  
te/ Churfürst zu Sachsen.


Friderich bin ich billich genandt/  
Den schön fried erhielt ich im Land.  
Durch gros vernunft/gedult vnd glück /  
Wider manchen erbösen tück.  
Mein Land ziert ich mit schönm geberw/  
Vnd stießt ein Hohe Schul auff's new/  
Zu Wittenberg in Sachssner Landt/  
Die in allr welt ist wol bekandt.  
Denn aus der selbn kam Gottes Wort /  
Welchs wirckt gros ding an mächē ort.  
Das Beshstisch reich sturzet es nider/  
Vnd brachte rechten glauben wider/  
Im funffzehnhundert/xvij. Jar/  
Martin Luther erklert die Lahr/  
Zum Keiser auch erkorn ward ich/  
Des mein Alter beschweret sich.  
Darfur ich Keiser Carln erwelt/  
Von dē mich nicht wäd gunst noch geld.











# Von Gottes gna-

den Herzog Johann der Erste/Chur-  
fürst zu Sachsen.

Nach meines lieben Brudern Endt/  
Blieb auff mir das ganz Regiment.  
Den Bayern krieg halff ich durch Gott  
Dempffen/ erret Deutschland aus not.  
Der Kottengeister feind ich war/  
Hielt im land Gots wort rein vnd klar.  
Gros drawen/bitter hass vnd neid/  
Ich vmb Gottes worts willen leid.  
Frey bekandt ichs aus hertzen grund/  
Vnd persönlich selbst ich da fund.  
Vorn Keiser Carln vnd gankem Reich/  
Von Fürstin war gschehn nie des gleich.  
Ferdinand zum Römischē König macht/  
Der guldn Bulln halbn sein whal an-  
Wie wol der Keiser hasset mich (sacht  
Wiederumb doch liebet hertzlich  
Mein end hernach in fried beschlos/  
Welchs den Teuffel fast sehr verdros.





5





**Son Gottes gna-**  
den / Herzog Johann Friderich  
der Elter / Churfürst zu Sachsen.  
Beschaw dis löblich angesicht /  
Wie Fürsilich / vnd wie auffgericht  
Wie Erbar / vnd on arge list /  
Der edel Fürst von Sachsen ist.  
Dierhümlich Schrã entpfing der Held  
Vnschuldig in dem weiten Feld.  
Da er dem Feind das Angesicht bot /  
Vnd kempffet dapffer in der not.  
So oft du dieses Angesicht /  
Ehrlich verwundet / vnd so liecht  
Beschawest / so bedencke wol /  
Was man von dem Held halten sol.  
Dergleichen auch von andern mehr /  
Die also liebñ die Göttlich lehr /  
Das sie jr leib vnd auch jr lebñ  
In all gefahr vnd vnglück gebñ.  
Damit das heilig reine Wort  
Gepredigt werd an allem ort.





H ij





# Son Gottes gna-

den Sibylla/Herzog Johan Fridrichen  
des Eltern/chelich Gemahl.

AGH du Allmechtigr Ewigr Gott/  
Wie gar aus grosser angst vnd not.  
Hastu itzund so gnediglich/

Durch deinen Son errettet mich.

In dem du mir gabst wider heim/

Den aller liebsten Herren mein.

Aus Keisers hand/darin er war

Gefangen schwer/fünff ganzer Jar.

Hast mich auch aus dem Jamerthal

Erlöset itz mit meinem Gemahl.

Vnd leben recht in freuden gros/

Mit alln Gleubgen in Abrams schos.

On alles leid/on alle flag/

Warten mit freud den Jüngsten tag.

Drumb wir dich auch/o trewer Gott/

Preisen vnd ehrn für solch wolthat.

Sagn dir für deine gnad allzeit/

Lob ehr vnd danck in ewigkeit.











Von Gottes gna-  
den Johan Friderich der Ander/  
Herzog zu Sachssen.

Schau an Christlicher leser mild/  
Dis Fürstlich Adeliges bild/  
Johan Fridrichs in Sachssenland  
Herzog/gar weit vnd breit befand/  
Von wegen der löblichen that/  
Seins Vatern selign frue vnd spat.  
Dem er das reine Wort so weis  
Gefördert hat mit allem vleis/  
Sich nicht dauon des Teuffels list/  
All Potentatn vnd Antichristis  
Hat lahn abschrecken/bestendiglich  
An reine lehr hat gehalten sich.  
Auch standhafft bliehn in seiner not/  
Im Gefengnis fest vertrauet Gott.  
Drumb fromer Christ vor solche gnad  
Solst dancken Gott frue vnd auch spat  
Das er solch Fürsin verleihen thut/  
Zu erhaltung seiner Kirchn zu gut.












# Von Gottesgna-

den Johann Wilhelm / Herzog zu Sachsen.

Der Edel Fürst aus Sachsen Land /  
 Herzog Johan Wilhelm genand /  
 In diesem Bild künstlich fürwar /  
 Abgmalet / ward gleich in dem Jar  
 Geboren / da die reine Lehr  
 Des Euangelij krefftig sehr  
 Vor allen Stendn in Deudschem Land  
 Vorn Römischen Keiser / ward bekand.  
 Welche lang her durchs Teuffels schar /  
 Vnd Bapsts zu Rom vertunckelt war.  
 Die selb bekandte reine Lehr /  
 Von jugent auff hat glibet sehr /  
 Der Edel Hochgeborne Fürst /  
 Den siets nach ehr vnd tugent dürst /  
 Vnd fördert die in seinem Land /  
 Das sie den seinen werd bekand.  
 Auch Gottes Nam auff dieser Erd /  
 Mit grossen schall geheiligt werd.







3





# Von Gottes gna-

den Johan Fridrich der Dritte/  
Herzog zu Sachssen.

Johan Fridrich der dritt genand/  
 Der edel Fürst aus Sachssen Land/  
 Sehr künstlich hie in diesem Bild  
 Ist abgemalt / o Leser mild/  
 Seines alters gleub mir verwar/  
 Im fünff vnd zwenzigisten Jar.  
 Die gros gnad vnd barmhertzigkeit/  
 Des waren Gottes in ewigkeit/  
 Soltu alhie betrachten than  
 So oft du dieses Bild sihst an/  
 Das er seiner Kirchen zu gut  
 Christlich Regenten geben thut/  
 Die trewlich thun der reinen Lehr  
 Beistehn / dieselb zu fördern sehr/  
 Das Gottes wort in alle Land  
 Erschalle weit / vnd werd bekand.  
 Das Recht vnd Gricht erhalten werd/  
 Armen vnd Reichn auff dieser Erd.







3 ii





# Von Gottes gna- den/Georg Herzog zu Sachsen.

GRAMMATICA



Von Gottes gnad bin ich genandt/  
Georg Herzog in Sachsen Landt.  
Da sich regt die auffrührisch Rott  
Der Bawren/hat ich grosse not.  
Gros müh/arbeit/ehe sie gestilt/  
Bis ward gezempt der Bawer wild.  
Mein ehelich gmahl fraw Barbar war  
Ein gborn Königin zu Poln/mir gbar  
Vier Sön/fünff töchter/welch zuhand  
Mir wurden benumen alle sampt.  
Mein Land vnd Leut gab ich behend/  
Mein Bruder auff vor meinem end.  
Herzog Henrichn mit allem vreis/  
Vnd seinen beiden Sönen weis.  
Darnach ich mich befahl am end/  
Dem ewigen Gott in seine Hand.

DIALECTICA







3. iii.





# Von Gottes gna-

den/ Henrich Herzog zu

Sachsen/ etc.

Schaw an dis Bild o fromer Christ/  
Darin recht abgemalet ist/

Herzog Henrich der theure Held/

Ein Fürst zu Sachsen außerswelt.

Betracht die edle tugent sein/

Wie er on schew die Lere rein/

Des Göttlichn worts hat gnomen an/

Die selb lahn lehrn sein Vnterthan.

Frey öffentlich hat er bekandt/

Die rechte Lehr in seinem Land.

Vnangesehn/ das er schwer ist

Verfolgt/geplagt/durchs Teufels list.

Doch inder ewig gütig Gott/


Beschützet hat in dieser not.

Hat in reichlich belohnt verwar/

Seinen Erben gebn das Land gar.

Wer sich auff Gott verlassen thut/

Empfeht zeitlichs vnd ewigs gut.











**Son Gottes gna-**  
**den / Mauricius Herzog zu**  
Sachsen und Churfürst.  
Nach Christi geburt tausent vorwar  
Fünffhundert / acht vnd vierzig jar  
Ward ich von Keiser Carl genand /  
Ein Churfürste in Sachsen Land.  
In kurzer zeit hab ich verbracht /  
Eilff Züg / gar Ritterlich ich facht.  
Beim Türckn kam ich in grosse not /  
Doch mich erreth der ewige Gott.  
Die Kirchn vnd Schuln in meinē Land /  
Ziert ich / wie menglich ist bekand.  
Lies predigen in der Gemein /  
Die rechte lehr ganz klar vnd rein.  
Bawt auch vnd macht in kurzer zeit /  
Schön Schlösser vnd vhestung bereit.  
Margraff Albrecht ich ernider leit  
Tödlich verwund ward ich im streit.  
Mein Geist befahl ich in Gottes hend  
Selig in Gott mein lebn dar end.











# Son Gottes gna-

den/ Augustus Herzog zu  
Sachsen und Churfürst.

Nach meines Brudern seligen End/  
Kam auff mich das ganz Regiment.

Mit Gottes hülf richt ich an zu stund/  
Fried/ Einigkeit/ wie es ist kund.

Was friede bringt/ Ich wol betracht/  
Krieg/ vneinigkeit/ zerrüttung macht/

Hindert den lauff der Christlichn lehr/  
Dem Predigamt es schadet sehr.

All Regiment es gar verherbt/  
Land/ Leut verderbt vnd gar zerstört.

Drumb ich auch bitt den ewign Got/  
Durch seinen Son stets frü vnd spot/

Wolt mich erhalten bey seinem Wort/  
Das ich dabey bleib/ hie vnd dort.

Vnd recht regier mein Land vnd Leut/  
Erhalt gutn fried vnd einigkeit.

Vnd weñ den kompt das stündlein mein /  
Wolt mir gnedig barmherzig sein.







R ij





Bedruckt zu Wit  
tenberg durch Gabriel Schnell-  
boltz/ neben der Kupffergassen  
am Wahl.

ANNO.

M. D. Lxiiij.





9  
K 936

M. T.





Tr 936


ULB Halle 3  
001 542 990




sb
















# Abcontrafactur

Vnd Bildnis aller Grossherzogen/Chur  
vnd Fürsten/ welche vom Jare nach G. Hristi Geburt  
342. bis auff das itzige 1563. Jar / das Land  
Sachssen/löblich vnd Christlich regieret haben/  
samt kurzer erklerunge ires Lebens/  
aus glaubwürdigen Historien zu-  
samen getragen/vnd in  
deutsche Reime  
bracht /

Durch

M. Johannem Agricolam  
Spremburgensem.



15

63.

Daniel. 2.

Gelobet sey der Name Gottes von ewigkeit zu  
ewigkeit / Denn sein ist beide Weisheit vnd sterke/  
Er setzet Könige abe/vnd setzet Könige ein etc.